

Anglos à Pictis sejungit limite certo

Flumen, quod Tuedam pristina lingua vocat.

Hic fluvius copiosa scaturigine è Scotiæ montibus erumpens inter limitaneos equites, & abactores, ne gravius quid dicam, quibus, ut ait ille, jus sibi vendicat ensis, diu tortuosus errat. Vbi vero proxime Carram vicum accesserit, multis aquis convalescens regnorum collimitia discriminare incipit. Cumque VVerke olim Rossorum, nunc Grejorum, qui militari laude diu floruerunt, castrum alluerit, in quod Scoti non raro detinuerunt, Tilli fluvii binominis aqua augetur. Ad fontes enim qui sunt in parte hujus regionis interiori Bramish appellatur, viculusque Bramton admodum obscurus & nullius fere numeri illi incumbit, unde Septentrionem petit per Bengely, quæ cum ipsa Brampton, Bromdum, Rodam, quæ stirpi hoc tractu insigni nomen fecit, Edelingham, &c. Baronia fuit Patricii Comitis de Dunbar regnante Henrico Tertio. Qui etiam, ut est in libro Inquisitionum, in Archivis Regiis erat Inborow, & Outborow inter Angliam & Scotiam, id est, si ego intelligo, ut præstaret & observaret hac in parte ingressum & egressum comitantium inter utrumque regnum. Veteres enim Angli ingressum & atrium sua lingua Inbopou dixerunt. Superius flumini apponitur Chevelingham nunc Chillingham, quod, ut Horton non multum hinc distans, ambo castra Grejorum, ex quo duæ illæ Grejorum familiæ conjugio coaluerunt.

Wollover. VVollover Baronia inde prope jacet, quam Rex Henricus Primus dedit Roberto de Muscocampo, sive Muschamb, qui in parma cærulea tres gessit albos papilliones, è cujus posteris Robertus potentissimus Borealis hujus plagæ Baro regnante Henrico Tertio censebatur. Hæreditas vero statim inter fœminas dissipata, quarum una Comiti Strathernia in Scotia, altera Guiljelmo de Huntercumbe, tertia Odonello de Ford fuit enupta. Gleni fl. inde ab Occasu Tillum suis aquis infusus adauget & Glendal vallem quam intermeat denominat. De hoc fluviolo Beda, Paulinus veniens cum Regina in villam regiam, quæ vocatur Ad-Gebrin (hodie Yeverin) triginta sex diebus ibidem cum eis Catechizandi, & Baptizandi officio deditus morabatur: quibus diebus cunctis à mane usque ad vesperam nihil aliud agebat, quam confluentem eo de cunctis viculis ac locis plebem, Christi verbo salutis instruere, atque instructam in fluvio Gleni, qui proximus erat, lavacro remissionis ablueret. Hæc villa tempore sequentium regum deserta, & alia pro illa est facta in loco qui vocatur Melmin, hodie vero Melfeld.

Hic prope Brum-ridg ad Brumeford Athelstanus Rex collatis signis cum Aulafu Dano, Constantino Scotorum, Eugenio Cumborum Regulo adeo feliciter dimicavit, ut prælium hoc fuerit celeberrimum, & grandiloquis verbis & versibus ab historicis, & Poëtis ejus seculi decantatissimum. Hic Bramish in Tilli nomen abit, & primum Ford castrum bellicosæ familiæ Heronorum quondam, nunc Carrorum, inde Etall, ubi Manerii qui Manours & de Maneris dicti habitaverunt equestri splendore olim clari, & quorum posterii Rutlandiæ Comites nunc sunt honoratissimi. Multa castella in hoc tractu sciens omittit Britannia.

to, infinitum enim esset sigillatim enumerando persequi, cum certum sit Regis Henrici Secundi temporibus castella MCXV, in Anglia extitisse.

Ex adverso hujus Fordi ad Occasum mons surgit præaltus, Floddon dicunt, Iacobi Quarti regis Scotorum cæde, & suorum strage signatus, qui, dum Henricus Octavus Tornacum in Gallia obsideret, magno animo, & majore spe (nostras enim urbes in antecessum diviserant) signa in Angliam intulerunt. Sed Thomas Howard Surriæ Comes instructus agminibus hoc in loco animose excepit, pugnatumque acriter est utrinque, donec nox incertis, qua data victoria esset, intervenit. Lux autem insequens victorem, victumque ostendit, & ipse Scotorum rex non paucis vulneribus confectus, inter confertas cadaverum strues repertus. Vnde nova accessio facta Howardorum insignibus.

Tweda, Tillo jam recepto, plenior decurrit per Norham sive Northam, quondam Vbbanford, Dunelmensium Episcoporum oppidum. Egfridus enim Episcopus construxit, & Ranulphus successor castrum in excelso præruptæ rupis posuit, & fossa communivit, in cujus exteriori muro, qui majoris est ambitus, variæ interjiciuntur turriculæ in angulo ad flumen, interius ambitus est alter munitior, in cujus medio arx surgit editior, sed secuta pax nostri seculi, hæc licet in limite, jam diu neglexit. Oppidum subjacet in planitie ad Occidentem, templumque habet, in quo conditus erat Ceolwulphus Rex Northumborum, cui Venerabilis Beda libros Ecclesiasticæ historiæ Anglorum inscripsit, qui postea abrenuntians seculo in Lindsfernensi Ecclesia monachus effectus cælesti regno militavit, corpus postea delatum in Ecclesiam Northam. Cum etiam Dani Insulam Sacram, ubi Cuthbertus ille Sanctus (quem Beda tantopere celebrat) & sedit episcopus & fuit sepultus, depopularentur, atque nonnulli religioso furto ejus corpus transvehere ambirent, resstantibus ventis cum honore debito sacrum corpus ad

* Vbbanford, incertum an episcopatus sedem, deposuere, juxta amnem Twedam, jacuitque ibi multis annis usque ad adventum Eshelredi Regis. Hæc & alia me docuit (nec enim reticebo per quem profecerim) Georgius Carletonus hinc oriundus, filius utique Castellani hujus loci, quem cum propter singularem in Theologia quam proficetur, & amœnioribus literis eruditionem amaverim, & ab ipso redamer, amore plane indignus essem, si non agnoscam. Sub Norham ad Killay viculum vicinum, avorum memoria ornamenta balthei militaris, & ensis manubrium è solido auro reperta fuisse à grandævus accepimus, quæ T. Ruthallo Episcopo Dunelmensi donata erant.

Paulo inferius Tuedæ ostium cernitur, cui in ulteriori ripa impendet ultimum Angliæ, & munitissimum totius Britanniæ oppidum Berwick. Quod nomen à Berengario Duce, quem somniantur, deducunt aliqui. Lelandus ab Aber, quod ostium Britannis sonat, ut Aberwic vicum ad ostium significaret. Sed qui novit quid Berwic sonet in Regum nostrorum Chartis, in quibus nihil frequentius, quam Dono oppida C. & D. oppida cum suis Berwicis, nã ille viderit veram hujus

Castella
1115, in
Anglia.

1513.

Prælium
ad Flod-
don.

Norham.

Reg. Ho-
ved.
Ceolwul-
phus
Rex.

Guil. Mal-
meslib. 1.
de gestis
Pontif.

* Bulbe-
ford in
impressis
corrupte
legitur.

Killay.

Manu-
brium
aureum.

Berwick.

Ingulphus
Berwicum
Manerium
interpre-
tatur.

o. Du-
m.

cii è
pe Ca-
Ma-

e pag.